

W u s t a w k i

Spěchowanskeho kruha za serbsku ludowu kulturu z. t.

§ 1 Mjeno a sydło

Towarstwo mjenuje so Spěchowanski kruh za serbsku ludowu kulturu z. t. (dale Spěchowanski kruh) ze sydłom w Budyšinje.

Wustawki předleža w serbskej a němskej řeči.

Městno sudnistwa je Budyšin.

Spěchowanski kruh je w towarstwowym registru při hamtskim sudnistwje w Budyšinje pod VR 366 zapisane.

Spěchowanski kruh za serbsku ludowu kulturu z.t. je člon Domowiny – Zwjazka Łužiskich Serbow z.t.

§ 2 Zaměr

Spěchowanski kruh ma serbske ludowe wuměłstwo na wšitkich polach spěchować, zdžeržeć, pěstować a rozšěrić.

Spěchowanski kruh zasadźuje so při realizowanju projektow za zachowanje serbskeje řeče a kultury.

Zaměry Spěchowanskeho kruha su bjezwuwzaćnje a njeposřednje powšitkownowužitne w zmysle wotrězka “dawki nižowace zaměry” porjada wotedawkow. Towarstwo skutkuje njesebićnje a njesćěhuje přenjorjadnje hospodarske zaměry.

§ 3 Člonstwo

Z člonom móže so kóždy přirodna abo juristiska wosoba stać, kotraž zaměry a nadawki Spěchowanskeho kruha připóznaje a so za realizowanje zasadzi.

Próstwa wo člonstwo ma so pola předsydstwa Spěchowanskeho kruha pisomnje zapodać. Wo přijimanju rozsudzi předsydstwo.

Člonstwo zakónči so přez

předsydstwu pisomnje zapodaty wustup dwaj měsacaj do skónčenja wobchadneho lěta, wuzamknjenje přez sobustawsku zhromadiznu, hdyž předleža wažne přičiny, smjerc abo rozpusćenje towarstwa

§ 4 Financowanje

Džěło towarstwa financuje so z pomocu darow, sobustawskich přinoškow a dochodow ze zarjadowanjow .

Wobchadne lěto je kalendariske lěto.

Sředki smědža so jenož k spjelnjenju nadawkow a zaměrow towarstwa, kaž su wone we wustawkach zapisane, wužiwać.

Člonoj njedóstanu žane zarunanja ze srědkow towarstwa. Wudawki, kiž wurustu člonam z winowatosćow towarstwa napřećo třecim, hodža so wotličić. Pruwowanje a wopodstatnjenje wudawkow rjadyje předsydstwo. Žana wosoba njesmě přez njepoměrnje wysoke zarunanja abo wudawki, kotraž njesłuža zaměram towarstwa, lěpšiny měć.

§ 5 Organy

Organaj Spěchowanskeho kruha staj předsydstwo a sobustawska zhromadźizna.

§ 6 Předsydstwo

Předsydstwo wobsteji znajmjeńša z třoch člonow.

Předsydstwo wjedže naležnosće towarstwa.

Předsydstwo postaji sebi jednanski porjad. Wone wobzamknje z wjetšinu hłosow. Wone je wobzamknjenja kmane, hdyž staj znajmjeńša 2 člonaj předsydstwa přitomnaj.

Prawnisce a zwonkaprawnisce zastupuje Spěchowanski kruh předsyda.

Sobustawska zhromadźizna woli člonow předsydstwa Spěchowanskeho kruha z jednorej wjetšinu na 4 lěta.

§ 7 Sobustawska zhromadźizna

Sobustawska zhromadźizna so znajmjeńša jónu wob lěto schadźuje. Předsyda Spěchowanskeho kruha abo při jeho zadžělanju druhu člon předsydstwa ju znajmjeńša měsac do termina pisomnje zwoła. Runočasnje ma so člonam dnjowy porjad sobuzdžělic.

Kóždy člon ma sydło a hłos na sobustawskej zhromadźiznje.

Sobustawska zhromadźizna přijima džělowu a kasowu rozprawu předsydstwa a rozsudži wo jeho wuwjazanju. Wona wobzamknje lětny sobustawski přinošk.

Sobustawska zhromadźizna rozsudži z wjetšinu hłosow wšěch přitomnych člonow. Za změnu wustawkow su 3 / 4 hłosow trěbne.

§ 8 Napisanje

Wo sobustawskej zhromadźiznje a posedženjach předsydstwa maja so protokole zhotowić. W nich maja so wosebje wobzamknjenja a wothłosowanske wuslědky jewić. Nawoda zhromadźizny / posedženja a protokolant mataj protokol podpisać.

§ 9 Rozpušćenje towarstwa

Rozpušćenje towarstwa móže jenož k tutomu zaměrej zwołana sobustawska zhromadźizna ze znajmjeńša třomi štwórcinami přitomnych zapisanych člonow wobzamknjeć.

Za rozpušćenje towarstwa stej dvě třěćinje hłosow trěbnej.

Při rozpušćenju towarstwa abo při wotpadnjenju dawki nižowacych zaměrow ma so zamóženje towarstwa Domowinje – Zwjazkej Łužiskich Serbow z.t. přepodać, kotraž tute jenož za powšitkownowužitne zaměry zasadza.

Budyšin, dnja 14.07.2014